



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

Seculum XI.

[urn:nbn:de:hbz:466:1-64326](#)

demum annis ferè quindecim Archipræsul simulque Imperii Elector crearetur. Confirmatus in præcelso munere à Clericorum moribus emendandis exordium ducendum ratus, D. Wolfgangi vestigiis insistere, in unam eamque communem omnibus domum Canonicos cogere in curis numeravit supremis. Quare cùm verbis proficeret minùs, exemplo invitatos traxit, haud respuens communem domum & mensam. Äquo nihilominus indulgentiorem fuisse ferunt in Adalberonem D. Cunegundis Augustæ fratrem, in æde D. Paulini Präfulem, quod hic gratiâ Cæsaris Henrici, & multorum potenti amicitia valeret. Inter beatissimas sortes Ludolphi venit Electoratus Imperii à Gregorio V. Pont. & Ottone III. hæredibus destituto Imperatore, ob gravissimas causas institutus. Locum inter septem Viros non uno duntaxat ex capite secundum impetravit Archipræsul Trevirensis, à tanto tempore, nimirum an. 996. circiter usque ad hunc nostrum annum 1725. Ecclesiæ & Imperii decus, & membrum constantissimum, florentissimum. Anno vitæ ultimo, qui fuit Christi 1008. suo etiam suffragio post Romanum Pontificem in Concilio Francofurtensi subscripsit institutioni Episcopatus Bambergensis novissimæ.

SECULUM XI.

LXXIII MEGINGAVDVS. XLVII. ARCH.

II. ELECTOR.

Adalbero D. Cunegundis frater, ad S. Paulinum Treviris Präpositus, ut vocamus, indulgentiâ Ludolphi, & affinitatis vinculo, quo Henrico Cæsari jungebatur, identidem audacior, S. Martini Abbatiam verius injuriâ, quam jure venidcavit sibi, pari fermè injuriâ templo D. Symphoriani illatâ. Denique Ludolpho Electore vitâ functo, ad multos simul, velut in fasciculum collectos flores, hoc est, publicos ho-

nores

nores desiderium avidissimum prodidit, suimet sanè proditor perinde factus justissimè. Henricus namque Imperator rei probè conscientis, tametsi Ecclesiæ suæ jura integra relinqueret, totus tamen in eo fuit, ut Canonici Electores Megingaudum ex multis meritis laudatissimum Moguntiæ Præpositum Archipræfulem, & Electorem Treviris præficerent, quod ritè factum multis detestatus est modis Adalbero in malo pertinax Princeps; quod ipsum dein testata est Ecclesia & Imperium; postquam nempe Adalberonis instinctu plures in Imperio Viri Principes adversus Cæsarem arma induere non sunt veriti, damno Trevirensum maximo: donec denique anno seculi XI. duodecimo Adalbero pœnitentiâ ductus sapuit, & cuique suum reddidit: Megingaudus verò naturæ debitum solvit Confluentiæ an. 1016. Sedit an. 8.

LXXIV. POPPO. XLVIII. ARCH.

III. ELECTOR.

Poppo Leopoldi cognomento Illustris Austriae Marchionis filius, à D. Henrico Cæsare commendatus, & ab iisdem Archipræfule electus, non minùs Trevirensem Elector, quam Bambergensem Ecclesiam, cuius antea Præpositus, suis virtutibus illustravit. Dum Romam ex Germania abiit, pro more pallium petiturus à Pontifice, interea & Adalbertus Dux, & Adalbero ad vomitum rediens, unà cum prædonum caterva Treviros infestavit. Verùm armis, & stratagemate vicit, & captus uterque, Popponi dedit manus. Redita proinde castella, templa, & Sarburgum ab Adalberone conditum. Accepta dataque pace Ecclesiasticorum virorum sceminarumque mores sedulò examinati, ad justissimam iram provocarunt Popponem, quem nomine, non re Virgines claustris minùs bene custoditæ, philtro etiam ad libidinem provocare non sunt veritæ: unde atro calculo notata est ipsis illa dies. Interea Imperator Henricus laudata in omnibus insigni Popponis industriâ maximè beneficum se exhibuit

O 3

buit Trevirensi Ecclesiæ, Confluentias eiusdem potestati penitus subiiciens. Annis decem eò usque Treviris præfuit Archipræsul, cùm ardentissimo incensus desiderio videndi Palæstinam, petita & impetrata à Summo Pontifice proficisciendi copiâ abiit, Archiepiscopatus & Electoratus curâ interea Suffraganeis, in primis verò Theodorico Metensi Episcopo commissâ. Ex Syria cum sociis redux ingenti gaudio receptus est à Trevirensibus, à quibus tamen plurimū discrepabant è D. Maximini monasterio Monachi nonnulli, qui veneno tollere è medio tantum Antistitem meditabantur, eventu rerum non nisi ipsis tristissimo: nemo enim è conscientia scelerum turbâ alterum vitæ annum superavit. Servatus itaque à Superis Ecclesiæ Elector Sanctus, Sanctorum honores modis omnibus promovit, quorum numero annitente Poppone Simeon in Palæstinam nupèr itineris socius à Benedicto XI. est relatus. Divorum honori junxit præclarè pauperum curam singularem, quæ adeò cordi fuit, ut cùm aliquando Archipræsuli liberalissimo præter equum nihil superesset, eundem famelicis in cibos distribuendum concederit. Annis 31. Ecclesiam & Imperium Poppo suis verbis & factis illustrissimis exornavit: unde inter summorum juxta ac infimorum pias lacrymas an. 1047. sepultus est in æde, quam Magnæ Virginis honoribus ædificarat & consecraverat.

LXXV. EBERHARDVS. XLIX. ARCH.
IV. ELECTOR.

Eberhardus Hezilonis Palatini Comitis filius, Popponi mortuo successit, ab Henrico III. Imperatore propositus, ab Electoribus Clericis electus. Anno ab electione hac altero Bruno Tullensium Episcopus elititur Pontifex Leo IX. dictus, quem Præsulem sanctissimum dum comitatur Eberhardus, præter Primatus sui, & privilegiorum confirmationem, mitrâ &

pallio

pallio Romæ exornatus, adiit possessionem quatuor Coronatorum dictam. In Rhemensi dein Synodo Pontifici sedit à sinistris proximus, Widoni Rhemensium Archiepiscopo tanquam loci Domino, concessâ dexterâ. Qui, dum alii de Simoniae criminè rei sunt inventi atque condemnati, inter suspectos est numeratus. Eberhardus etiam in Moguntina Synodo præsens cum D. Leone Simoniacos condemnavit. Italiam petente Pontifice ad inquierendas D. Mathiæ Reliquias, quas Româ Treviros translatas esse acceperat, se totum convertit Archipræsul, ubi favente DEO evenit, ut Presbyteri cuiusdam investigantis ex sacrorum ossium contactu manus oleo constanter stillaret, quo indicio D. Apostoli corpus est monstratum. Dum Sacra hunc in modum curavit, Electori huic cum Conrado Comite Lüzelburgico lis intercessit gravissima. Atque hic dum per insidias Eberhardum captum pertinaciter retinet, latâ Romæ sententiâ proscriptus, sed & mox facti pœnitens ab Eberardo veniam impetravit, atque à Pontifice imperatum sibi iter in Palæstinam aggressus est, ibidem sancte mortuus. Interea dum Hebræorum aut conversionem, aut expulsionem zelo justissimo urget Eberhardus, ab iisdem maleficiis petitus occiditur: dum enim Electoris imaginem ex cera confectam lento igni admovent, eidem sacra solennia peragenti morbum & mortem accelerant an. 1066. dum sedit an. 19.

LXXVI. ADO. L. ARCH. V. ELECTOR.

Post sepultum Eberhardum Archipræsul Coloniensis Anno, Cunonem seu Conradum Coloniae Præpositum, Virum meritis maximum Treviris Electorem optavit; verum dum cœpto operi ardentius instituit, vehementius obstitere Clerici populisque Trevirensis duce Theodorico Comite, qui Conrado Urtzigi capto, atque in custodiam durissimam dato, tortores & percussores immisit. Hi cum Virum innocentissimum ter

ex

ex rupe altissima dedit præcipitem, toties tamen ope divina receperissent incolumem, pars ad petendam veniam agendamque pœnitentiam conuersa, pars tortorum altera in scelere pertinacior, evaginatis gladiis confecit D. Præfulem, multis miraculis eo ex tempore clarissimum. Inter miracula etiam hoc numerarunt: cum Theodoricus Comes D. Conradi pasim Martyris dicti, sepulchrum adirepararet, vi occulta repulsus, aditum per lacrymas pœnitentiae testes quæsivit. In Sedem interea Trevorum promotus Ado Comes Nellenburgicus, & pro more à Pontifice confirmatus, continuò DD. Martyrum ad D. Paulinum corporibus in aperto eoque sacratori loco collocandis strenuam dedit operam, quæ unâ cum S. Paulini Reliquiis, & adjectâ tabulâ nominum & miraculorum teste fuerunt reperta. Idem ad radices montis Juræ, templum D. Helenæ honoribus consecratum, in Uhren erexit, cui S. Numeriani Archipræfulis ossa ornamenri maximi loco donavit. Divorum quorumvis honorem amplius promoturus, Martyrologium conscripsit, quod Adonis dicimus. Annis vitæ ultimis Romam profectus, insignem didicit, aut verius perfecit, pridem doctus constanter agere, constantiam: Redux enim, dum Henricum IV. Imperatorem Pontifici invenit infensissimum, pro Pontifice stetit Ado contra Cæarem. Mortuum anno 1077. dicunt in Suevia, inde Treviros deportatum, atque in summa æde sepultum tradunt. Sedit annis 10.

LXXVII. EGELBERTVS. LI. ARCH.

VI. ELECTOR.

E Gelbertus ex illustri stemmate in Bavaria natus, permultis suis meritis Henrico IV. Imperatori se gratum pretiosumque præstítit; unde ab hoc schismatico Cæsare invitis plurimis in Sedem Trevirensum intrusus, hoc honore fuisse dignissimus, si in eo rerum articulo fugisset: non enim nisi à schismaticis Epis-

co-

copis post annorum sex ab habita electione spatium consecratu-
& serò nimiùm pallium potestatis Ecclesiasticæ insigne à pseudo-
pontifice Clemente adeptus, dum schismatici Cæsaris partes nun-
quam serio reliquit, perpetuum bonorum ferè omnium odium ac
tædium peperit; tametsi multa ageret, quæ commendationem me-
rebantur maximam: Divorum namque, præsertim Trevirensium
majori honori, ac venerationi sedulò consuluit, & Ecclesiæ suæ jura
strenuè defendit, & pedo adversùs lupos, & gladio adversùs Ec-
clesiasticorum bonorum invasores usus, quod factum Superi mi-
raculo sunt visi laudare: Henricum namque Comitem Limburgen-
sem Arlunensis Marchionatus Ditiones Metropolitanæ Ecclesiæ ab
Adelhaide donatas, armata manu repetentem, Egelbertus primùm
anathemate percussit, dein verò justa acie profligavit: ubi eve-
nisse ita tradunt, ut cum Henricus anathematis sententiam spre-
visset, & prehenso manibus carnis frusto dixisset: tam parùm Epis-
copi sententia me cœlo privat, quàm parùm hic canis à comedendā
carne abstinet; canis à carne, attonitis cunctis, abstinuerit, &
fugerit, ac Henricus Egelberto gemina ex parte victori manus de-
derit. Tandem Elector hic multis defunctus periculis, discrimen
mortis adiit maximum, dubio posteris relicto, an Ecclesiæ recon-
ciliatus obiérat, tametsi in æde Trevirensium summa sepultus fue-
rit an. 1101. postquam annis 24. potius pro Sede pugnavit, quàm
sedit,

SE C U L U M XII.

LXXVIII. BRVNO. LII. ARCH.

VII. ELECTOR.

Bruno ex illustrissima Brethemiorum Comitum stirpe in
Francia Orientali oriundus, ab Adone verò Archipræsule
educatus, Moguntiæ tandem post sui electionem conse-
cratus, placuit Treviris & Elector, & Archipræsul. Displicuit ve-

P

rò